

黄璞《闽川名士传》辑考

陈 庆 元

《新唐书·艺文志》，黄璞《闽中名士传》一卷。璞，原居侯官（今福建福州），后迁莆田（今属福建）。字绍山，一字德温，大顺三年（891）进士，官至崇文馆校书郎。昭宗时，杜门不仕。“黄巢兵入闽，以璞儒者，戒毋毁其居，逐灭炬勒兵而去”（《弘治八闽通志》卷六二）。自号“雾居子”。除了《闽中名士传》，《新唐书·艺文志》还录有其《雾居子》，二书均佚。其从弟黄滔，晚唐五代诗人，文论家。滔《寄从兄璞》诗，有“新诗说人尽”之句，足见璞亦能诗。

《闽中名士传》，是见于著录的福建最早的文人传记。这部传记，注重情节的安排，语言诙谐生动，颇类于佚事小说；注重诗赋本事的记载及相关诗文的登录，以突出传主文士的身份。宋人方志、笔记间有引用《闽川名士传》，明前期的《弘治八闽通志》引其《序》二句，疑明时已亡佚。十年前，笔者开始撰写《福建文学发展史》，从《太平广记》、《能改斋漫录》、《说郛》等类书和笔记辑得佚文数则^①。近年，见到《汉唐方志辑佚》（北京图书馆出版社，1997年版）辑《闽川名士传》佚文二则，一是漏辑甚多，二是错讹不可读^②，故今予重辑，并做适当考证。佚文有的原有标题，有的没有；没有标题的则另拟，以求一律。

序

山清水秀，为东南之尤。（黄仲昭《弘治八闽通志》卷二引黄璞《闽中名士录序》）

[考证]

《闽中名士录》，当即《闽中名士传》。

薛令之

薛令之，唐开元中为左补阙，兼太子侍讲。时东宫官冷落，久次难进。令之题诗云：“明月夜团团，照见先生盘。盘中何所有？苜蓿长阑干。饭涩匙难绾，羹稀箸易宽。只可谋朝夕，那能度岁寒？”明皇因幸春宫，见之，不悦。命笔酬之曰：“啄木嘴距长，凤凰毛羽短。既嫌松桂寒，任逐桑榆暖。”令之遂投簪谢爵，徒步东还。（《太平御览》卷九二三“斫木”；宋·计有功《唐诗纪事》卷三〇略同，未注出处。）

[考证]

《新唐书·隐逸·薛令之传》：“左补阙薛令之兼侍读。时东宫官积年不迁，令之书壁，望礼之薄，帝见，复题‘听自安者’。令之即弃官，徒步归乡里……令之，长溪人。肃宗亦以旧恩召，而令之已前卒。”《淳熙三山志》卷二“长溪县·永乐乡·西兴里”：“廉溪，薛家坂塘，唐进士、补阙令之所居。”《弘治八闽通志》卷七二：“薛令之，字珍君。神龙初举进士……肃宗即位，思东宫旧德，召之，令之已逝矣。嘉其廉，敕其乡曰‘廉村’，水曰‘廉溪’。”同书卷五五，薛令之，神龙元年（705）进士。令之为闽人第进士之始。长溪，今福安市。

欧阳詹

欧阳詹，字行周，泉州晋江人。弱冠能属文，天纵浩汗。贞元年，登进士第。毕关试，薄游太原，于乐籍中，因有所悦，情甚相得。及归，乃与之盟曰：“至都，当相迎耳。”即洒泣而别，仍赠诗曰：“驱马渐觉远，回头长路尘。高城已不见，况乃城中人。”

去意既未甘，居情谅多辛。五原东北晋，千里西南秦。一屢不出门，一车无停轮。流萍与系瓠，早晚期相亲。”寻除国子四门助教，住京。籍中者思之不已，经年得疾且甚，乃危妝引鬢，刃而匣之，顾谓女弟曰：“吾其死矣，苟欧阳生使至，可以是为信。”又遺之詩曰：“自从別后減容光，半是思郎半恨郎。欲識舊時雲髻樣，為奴開取縷金箱。”絕筆而逝。及詹使至，女弟如言，徑持歸京，具白其事。詹取函閱之，又見其詩，一恸而卒。故孟簡賦詩哭之，序曰：“閩越之英，惟歐陽生。以能文擢第，爰始一命，食太常之祿，助成均之教，有庸績矣。我唐貞元年己卯歲，曾獻書相府，論大事，風韻清雅，詞旨切直，會東方軍興，府縣未暇慰荐。久之，倦游太原，還來帝京，卒官靈台。悲夫！生于單貧，以徇名故，心專勤儉，不識聲色。及茲筮仕，未知洞房纖腰之為蛊惑。初抵太原，居大將軍宴，席上有妓，北方之尤者，屢目于生，生感悅之。留賞累月，以為燕婉之樂，盡在是矣。既而南轍，妓請同行，生曰：‘十目所視，不可不畏。’辭焉：‘請待至都而來迎。’許之，乃去。生竟以蹇連，不克如約。過期，命甲遣乘，密往迎妓。妓因積望成疾，不可為也。先夭之夕，剪其雲髻，謂侍兒曰：‘所歡應訪我，當以髻為覘。’甲至得之，以乘空歸，授髻于生。生為之慟怨，涉旬而生亦歿。則韓退之作《何蕃書》，所謂歐陽詹生者也。河南穆道玄訪予，常叹息其事。嗚呼！鍾愛于男女，素其效死，夫亦不蔽也。大凡以時斷割，不為麗色所汨，豈若是夫？古樂府詩有《華山畿》，《玉台新詠》有《廬江小吏》，更相死，有類于此。暇日，偶作詩以繼之，云：‘有客非北逐，驅馬次太原。太原有佳人，神艷照行雲。座上轉橫波，流光注夫君。夫君意蕩漾，即日相交歡。定情非一詞，結念誓青山。生死不變易，中誠無間言。此為太學徒，彼屬北府官。中夜亦相從，嚴城限軍門。白日欲同居，君畏仁人聞。忽如陇頭水，坐作東西分。惊離腸千結，滴淚眼雙昏。本達京師回，駕

期相追攀。宿约始乖阻，彼忧已缠绵。高髻若黄鹂，危鬟如玉蝉。纤手自整理，剪刀断其根。柔情托侍儿，为我遗所欢。所欢使者来，侍儿因复前。收泪取遗寄，深诚祈为传。封来赠君子，愿言慰穷泉。使者回复命，迟迟蓄悲酸。詹生喜言施，倒屣走迎门。长跪听未毕，惊伤涕涟涟。不饮亦不食，哀心百千端。襟情一夕空，精爽旦夕残。哀哉浩然气，溃散归化元。短生虽别离，长夜无阻难。双魂终会合，两剑遂婉蜒。大夫早通脱，巧笑安能干。防身本苦节，一去何由还。后生莫沈迷，沈迷丧其真。”（《太平广记》卷二七四；《全唐文》卷八一七作《欧阳行周传》；又略见《唐诗纪事》卷三五，未注出处）

[考证]

《新唐书·文艺·欧阳詹传》：“欧阳詹字行周，泉州晋江人……举进士，与韩愈、李观、崔群、王涯、冯宿、庾承宣联第，皆天下选，时称‘龙虎榜’。闽人第进士自詹始。詹理父母孝，与朋友信义。其文章切深，回复明辩，与愈友善。詹先为四门国子监助教，率其徒伏阙下，举韩愈博士。卒，年四十余。崔群哭之甚，愈为詹《哀辞》，自书以遗群。”按：韩愈《欧阳生哀辞》，今存。又按：闽人第进士非从詹始，详“薛令之”条。《弘治八闽通志》卷七“南安县·高盖山”：“唐欧阳詹母葬其下，詹拜墓有诗云：‘高盖山前日影微，黄昏归鸟傍林飞。坟前滴酒空垂泪，不见丁宁道早归。’后人因詹诗，又呼此山为‘诗山’。”按：韩愈《欧阳生哀辞》，詹歿时其父母俱在，而郡志载詹哀母诗，殊不合。窃详愈与詹为友，而《哀辞》作于詹初歿时，其言必可信无疑也。哀母之诗岂好事者假托而为之欤？”

林 孜

林孝子攢，泉州莆田县人。初举进士不第，仕塞垣。后仕不择禄，为福唐县尉，冀遂迎养，未果。闻亲有疾，奔还其家，行不俟车，食而失哺，及罹难疾，殆至殒绝，浆不濡口，往往三日或五日自埏砖甓，营邱陇。及逾葬期，独庐墓侧，飞走助哀，神祇荐祉。故白鸟再集，甘露联降落。泉州申使府，时贞元癸酉岁，李若初廉使兹地，深所嘉叹，遣从事亲往视验。会天久嘆

干，露彩融释，攢拊膺大哭，曰：“自尽于其亲，人子常道，贞符之降，本非所望，向者所降，其福我耶？其祸我耶？今使车将至，苟非所验，非余骸足顾，抑将殃夫州里矣！”逡巡，愁云四合，异香中来，触物氤氲，歛成甘露，焕然五色，謁然甘味，移时不消，千木同色，灵鸟素质，翻翻来翔，阖郡共观，无不从验。以是悖者知敬，悍者知驯。既图其状，李公录以上奏德宗，敦劝孝道。降制褒异，命立双阙于其墓，旌表门闾，举宗皆蠲征徭，厚加爵餧，迨今号为“阙下林家”。欧阳詹曾序《甘露述》，备详其事。黄子曰：“天道不远，感而遂通。林生因心之感，上达乎天，累降祥符，坐获旌表，是谓天爵。岂下万钟之贵，遂登名此书，以耸孝道云尔。”（《全唐文》卷八一七）

[考证]

《全唐文》录黄璞传文三篇，即《林孝子传》（即本篇）、《王郎中传》、《欧阳行周传》。考本文所辑《太平广记》中的《欧阳詹》其文字除个别与《欧阳行周传》小异、且不录河南穆道玄诗外，没有太大的不同，所以，《全唐文》所录《欧阳行周传》即《闽中名士传》中的《欧阳詹》，两文实即一文。如果这样推断大体不误的话，那么，《全唐文》中的《林孝子传》、《王郎中传》也当即为《闽中名士传》中的《林攢传》和《王棨传》，故加以辑录。《弘治八闽通志》卷七二：“林攢，字会道，莆田人。贞元初为福唐尉。母亡，水浆不入者五日。既葬，庐墓有白鸟甘露之祥，而观察使遣官属验实，会露晞，里人失色，攢哭曰：‘天所降露祸我耶？’俄而露复集，鸟亦回谢。诏作双阙于里门。欧阳詹作《甘露述》。”按：唐时莆田属泉州。又按：欧阳詹《甘露述》（《全唐文》卷五九八）“攢”作“瓒”。

林 藻

贞元中，杜元裳知贡举，试《珠还合浦赋》。进士林藻赋成，凭几假寐，梦人谓之曰：“君意甚佳，但恨未叙珠来去之意尔！”藻悟，视其草，乃足四句。其年擢第，谢。杜黄裳曰：“唯林生叙珠来去之意，若有神助。”（《太平御览》卷五八七“赋”；又见宛委山堂本《说郛》卷五八）

[考证]

《弘治八闽通志》卷七二“人物·兴化府”：“林藻，字纬乾。披之子。少有志尚，耻为遐荒农人，慨然欲自奋发在于闾里间。其言曰：‘张九龄生于韶阳，陈子昂生于蜀郡，彼何人？’乃与欧阳詹刻意攻文。贞元七年用词赋擢进士第。郡人擢第自藻始。官至侍御使。有集一卷。”按：兴化，今莆田。又按：林藻《珠还合浦赋》所补足之句为：“珠之去兮，氛露冥冥；海无光兮，空水浩浩。珠之来兮，川有媚兮，祥风习习；地有润兮，生物振振。”又按：《弘治八闽通志》卷六“地理·建宁府·浦城县·折桂岭”：“唐林藻与弟蕴登第，经此岭题诗云：‘长记岭头题姓字，不穿杨叶不言归。而今折得两枝桂，又向岭头连影飞。’故名。”

林 蕴

江夏子田阅林蕴《泉山铭叙》，则谓闽川贞元以前，未有文进者也。因廉使李廊公錡兴起庠序，请独孤尚书为记，中有辞云：“缦胡之缨，化为青衿。”其兄藻与其友欧阳詹，睹此耿耿，不怡十年。遂相与为誓，志求名，继登上第。（吴曾《能改斋漫录》卷四“林藻欧阳詹相继登第”条黄朝英《缃素杂记》引）

[考证]

《弘治八闽通志》卷七一“人物·兴化府”：“林蕴，字复梦。披之子。贞元中明经及第，复应贤良方正科，为四川节度推官……迁礼部员外郎，终绍州刺史。”按：蕴为藻弟。王谠《唐语林》卷四：“闽自贞元以前，未有进士。观察使李錡始建庠序，请独孤常州及为《新学记》云：‘缦胡之缨，化为青衿。’林藻弟蕴与欧阳詹睹之叹息，相与结誓，继登陆科第。”周勋初先生《唐语林校证》：“本条不知原出何书。”案：据《能改斋漫录》所引，当出《闽中名士传》。又按：闽人以文进者，不始于林藻，详“薛令之”条。林蕴，《新唐书》卷二〇〇有传。

陈通方

陈通方登正元进士第，与王播同年。播年五十六，通方甚少。因其集，抚播背曰：“王老奉赠一第。”言其日暮途穷，及第同赠官也。播恨之。后方丁家难，辛苦万状，播捷三科，为正郎，判盐铁。方穷悴求助，不甚给之。时李虚中为副使，通方以诗

为汲引云：“应念路旁憔悴翼，昔年乔木幸同迁。”播不得已，荐为江南院官。（《太平广记》卷二六五；又略见宛委山堂本《说郛》卷五十八，题作《王播》；《唐诗纪事》卷三二略同，未注出处）

[考证]

《弘治八闽通志》卷六二：“陈通方，闽县人。贞元中第四人及第，号称名士。”按：《说郛》题作《王播》，误。王播，其先太原人，其父始家扬州，非闽人。《闽川名士传》为闽人立传，传主必为闽人。

周匡物

周匡物，字几本，漳州人。唐元和十二年，王播榜下进士及第，时以歌诗出名。初周以家贫，徒步应举，落魄风尘，怀刺不偶。路经钱塘江，乏僦船之资，久不得济，乃于公馆题诗云：“万里茫茫天堑遥，秦皇底事不安桥？钱塘江口无钱过，又阻西陵两信潮。”郡牧出见之，乃罪津吏。至今天下津渡，尚传此诗讽诵。舟子不敢取举选人钱者，自此始也。（《太平广记》卷一九九；宛委山堂本《说郛》卷五八；《唐诗纪事》卷四五略同，未注出处）

[考证]

“周匡物，字几本，龙溪人。元和十一年擢进士。官至高州刺史。初，郡人未有业儒者，登进士自匡物始。”（《弘治八闽通志》卷十八）按：《弘治八闽通志》卷五一“选举”，匡物授进士亦在元和十一年（816）。又按：《唐诗纪事》（上海古籍出版社，1987年版）将“漳州”误作“潭州”。

林 杰

林杰，字智周。幼而聪明秀异，言发成文，音调清举。年六岁，请举童子。时父肃为闽府大将，性乐善，尤好聚书，又妙于手谭，当时名公多与之交。及有是子，益在其门。廉使崔侍郎千（于），亟与迁职，乡人荣之。杰五岁，父因携之门脚。至王仙

君霸坛，戏问童子能是乎。杰遂口占云：“羽客已归云路去，丹炉草木已凋残。不知千载归何日，空使时人扫旧坛。”父初不谓眇岁之作，遽臻于此，群亲益所惊异，递增相传讽，乡里喧然。自此日课所为，未几盈轴。明年，遂献唐中丞扶，唐既伸幅窥吟，耸耳皆欢，命弟子延入学院。时会七夕，堂前乞巧，因试其乞巧诗。杰援毫曰：“七夕今朝看碧霄，牵牛织女渡河桥。家家乞巧望秋月，穿尽红丝几万条。”唐惊奇曰：“真神童也。”以是乡人群来求看，填塞门巷。杰又精于琴棋及草隶书，俱自天然，不假师受。唐因与宾从棋，或全局输者，令罩之勿触，取童子来，继续其事，杰必指踪出奇，往往返胜，曲尽玄妙，时谓神助。后复业词赋，颇振声问。有《仙客入壶中赋》云：“仙客以变化随形，逍遥放情。处于外则一壶斯在，入其中则万象俱成。飞阁重楼，不是人间之壮；奇花异木，无非物外之名。”至九岁，谒卢大夫贞、黎常侍殖（植），无不嘉奖。寻就宾见（庑），日在宴筵，李侍御远、赵支使容深所知仰，不舍斯须。和赵支使《咏荔枝》诗尤佳，云：“金盘摘下排朱果，红壳开时饮玉浆。”郑副使立作《奇童传》，刘制使重为之《序》以贻之。至年十七，方结束琴书，将决西迈。无何，七月中，一旦天气澄爽，书堂前忽有异香氤氲，奇音响亮，家人出户观，见双鹤嘹唳，盘空而下，雪翎朱顶，徘徊庭际，杰欣然舍笔，跃下庭前，抱得一只。其父惊讶，恐非嘉兆，令促放，遂巡溯空而去。亲邻闻此，咸来贺肃曰：“家藏书栉比，乃类筵鱠之表祥也。”及夕，杰偶得疾，数日而终，则知杰乃神仙谪下人世，魂灵已蜕于鹤耳，不然者，何亡之速也？（《太平广记》卷一七五；《唐诗纪事》五九略同，未注出处）

[考证]

《全唐诗》卷四七二：“林杰，字智周，闽人。幼而秀异，六岁赋诗，援笔立成。唐扶见而赏之。又精琴棋草隶。举神童，年十七卒。”疑此小传据《闽川名士传》而成。《正德福州府志》卷二八“人物志·文苑·林杰传”：“字智周，侯官

人。幼而聪警英发，六岁举大中四年童子科。”则其为侯官人，生卒年为845—861。又：此条括号内文字据《唐诗纪事》校。

王 榮

王榮，字輔之，福唐人也。咸通三年鄭侍郎訥下進士及第，試《倒載干戈賦》、《天驥呈材詩》，公詞賦清婉，托意奇巧。有《江南春賦》，其末云：“今日并為天下春，無江南兮江北。”又有《詔遣軒轅先生歸舊山賦》及《馬惜錦幃泥詩》，尤美。公風姿雅茂，舉措端詳，時賢仰風，盛稱人瑞。成名歸覲，廉使杜公宣猷請署團練巡官，景慕意深，將有瑤席之選，公辭以舊與同年陳郎中翬有要約，就陳氏婚好，時益以誠信奇之。初就府荐，冯涯为试官，《三箭定天山赋》当意为涯所知，欲显滞遗，明设科第，以宋言为解头，公为第二。时毅夫中丞尹京兆怒涯不取旨，拋命收榜，极破名第。申省其年，等第虽破，公道益彰。凡曾受品題，數年之間及第殆盡，前今輿論，莫不美冯公之善得其材，榮公之获在其選。从事本府，乞假入關。尋又首捷《玉不去身賦》、《春水綠波詩》、《古公去邠論》，李公鷗時擅重名，自內翰林出為江西觀察使，辟為團練判官，自使下監察赴調，復平判刑入等大理司直。未几，除太常博士，入省上為水部郎中。公初上第，鄉人李顏累舉進士，郁有聲芳，贈公歌詩，云：“蓬瀛上客顏如玉，手探月窟如夜烛。笑顧姮娥玉兔言，謂折一枝情未足。”時謂顏狀得其美，若有前知。公十九年內三捷。其于盛美，蓋七閩未之有也。不幸黃巢竊居京闕，朝士或辱或戮者不可勝計。公既遇離亂不知所之。或云歸終於鄉里焉。（《全唐文》卷八一七）

[考證]

據陳黯《送王榮序》（《全唐文》卷七六七），榮字輔文。按：福唐，今福清。又按：《乾隆福清縣志》卷十四“人物志·文苑·王榮傳”：“事迹見《閩川名士傳》。”當指此篇。

陈 岩

陈岩，闽人为廉帅之应。（梁克家《淳熙三山志》卷四引，又《闽书》卷三二）

[考证]

《淳熙三山志》卷四：“唐中和中观察使郑镒始修广其东南隅。先是开城南河，有人得石，记云：‘五百年城移东南，本地合出连帅。’自太康至是，适五百年。《闽川名士传》云云。”《淳熙三山志》卷二一“秩官”：“（唐中和四年）陈岩五月，团练副使陈岩逐其观察使郑镒，自称观察使。文德元年，陈岩复修。《岩传》：‘恢其形势，甃之砖石。’”“岩传”，疑也是《闽川名士传》中《陈岩传》之文。《弘治八闽通志》卷七〇：“陈岩，建宁人。慷慨有智略。乾符间，黄巢转掠福建诸州，岩聚众数千，号‘九龙军’，保乡里，巢不能为害……中和四年，福建观察使郑镒表岩自代。岩为治有威严，吏民怀服……大顺二年，岩疾，遣使召（王）潮，欲授以军政，未至而卒。”

欧阳澥

闽川欧阳澥者，四门詹之孙也。澥娶妇，经旬而辞赴举，久不还家。诗云：“黄菊离家十四年。”又云：“离家已是梦松年。”又云：“落日望乡处，何人知客情。”自怜十八年之帝乡，未遇知己也。亦为《燕》诗，以献主司郑愚，曰：“翩翩双燕画堂开，送古迎今几万回。长向春秋社前后，为谁归去为谁来。”澥出入场中仅二十年。善和韦中令在阁下，澥即行卷及门，凡十余载，未尝一面，而澥吊庆不亏。韦公虽不言，而心念其人。中和初，公随驾至蜀命相，时澥寓居汉南，公以书令襄帅刘巨容俾澥计偕，巨容得书大喜，待以厚礼，首荐之。撰日遵路，无何，一日心痛而卒。巨容因籍澥答书呈于公，公览之怃然。因曰：“十年不见，灼然不错。”（《唐诗纪事》卷六七，未注出处）

[考证]

此则疑出自《闽川名士传》，原因有二。一，记佚闻佚事及相关诗文，风格

有类以上诸条；二，于欧阳澥前特加“閩川”二字，与《閩川名士传》书名之“閩川”合，当非偶然。故亦附于本文之末。

附记：1964年，我入原福建师范学院读书，黃寿祺老（1912—1990）时为中文系主任兼古典文学教研室主任；1982年，我研究生毕业回来福建师范大学任教，黃老时为副校长。1983年，黃老为《福建历代名人传》（福建人民出版社，1987年版）作序，认为该书篇幅过小，未及为撰写过《閩川名士传》的黃璞及其他一些文学家立传，有点遗憾。从其时起，我一直有辑考《閩川名士传》意愿。由于杂事猬集，此事多年来一直未能遂愿。今年是黃老诞辰九十周年，春节前后阳光特别好，整理旧时笔记，查找新资料，辑《閩川名士传》若干条，略作考证，成一帙，以此作为对黃老的一种纪念。

注：

①陈庆元：《福建文学发展史》，福建教育出版社，1996，36页。

②《汉唐方志辑佚·閩川名士传》第一则：“时东宫冷落，欠次难进。”按：“宫”字后脱一“官”字，“欠”为“久”之讹，原文当为：“时东宫官冷落，久次难进。”又“《御览》卷九二三断木”，按：“断”为“斫”之讹。第二则：“贞元中，杜黄裳知贡举。试珠还合浦，赋，进士林藻赋成……”按：“珠还合浦，赋”，六字当连读，本为一赋名，且当加篇名号，写作《珠还合浦赋》。

作者工作单位：福建师范大学文学院